



Broj: 02/1-50-1-22-60/10

Dana, 13.7.2010.

ZAPISNIK

sa 60. sjednice Ustavnopravne komisije Doma naroda Parlamentarne skupštine BiH (u daljnjem tekstu: Ustavnopravna komisija) održane 13.7.2010. s početkom u 9 sati.

Sjednici su prisustvovali članovi Ustavnopravne komisije:

1. Ivo Miro Jović,
2. Slobodan Šaraba
3. Sulejman Tihic,
4. dr Božo Ljubić,
5. Zoran Koprivica,

Sjednici je prisustvovao i sekretar Ustavnopravne komisije, dr. Zijad Hasić.

Sjednici, iz opravdanih razloga, nije prisustvovao dr Hilmo Neimarlija, član komisije.

Od gostiju, sjednici su prisustvovali: Gordana Žagovec, Tamer Kilić, Tatjana Petković Antić i Simonetta Silvestra iz EUPM; Dino Serezlić i US Ambasade i Fatima Bašić iz Ministarstva pravde Bosne i Hercegovine.

Utvrđen je sljedeći:

DNEVNI RED

1. **Prijedlog zakona o primjeni rezultata analize dezoksiribonukleinske kiseline u sudskim postupcima**, predlagač: Vijeće ministara BiH; (osnovni zakonodavni postupak: Postupak u nadležnoj komisiji čl. 102.-107. Poslovnika).

Ad. 1. Prijedlog zakona o primjeni rezultata analize dezoksiribonukleinske kiseline u sudskim postupcima, predlagač: Vijeće ministara BiH; (osnovni zakonodavni postupak: Postupak u nadležnoj komisiji čl. 102.-107. Poslovnika)

U vezi ovog Prijedloga zakona, Ivo Miro Jović, predsjedavajući Ustavnopravne komisije istakao je slijedeće:

Vijeće ministara Bosne i Hercegovine dostavilo je, kao predlagač, 25.1.2010., Domu naroda Parlamentarne skupštine BiH Prijedlog zakona o primjeni rezultata analize dezoksiribonukleinske kiseline u sudskim postupcima, radi razmatranja i usvajanja. Ustavnopravna komisija Doma naroda Parlamentarne skupštine BiH je, na 53. sjednici, održanoj 5.3.2010., razmatrala Prijedlog zakona o primjeni rezultata analize dezoksiribonukleinske kiseline u sudskim postupcima. Nakon provedene rasprave, Ustavnopravna komisija Doma naroda Parlamentarne skupštine BiH jednoglasno je utvrdila da:

1. postoji ustavnopravni osnov za donošenje Zakona o primjeni rezultata analize dezoksiribonukleinske kiseline u sudskim postupcima;
2. je ponuđeni tekst zakona usaglašen sa Ustavom BiH i pravnim sistemom BiH;

3. se ponuđeni tekst zakona može uputiti u daljnju zakonodavnu proceduru.

Ustavnopravna komisija je, jednoglasno, prihvatila principe predloženog zakona. Predsjedavajući podsjeća da je Ustavnopravna komisija Doma naroda, u saradnji sa Ustavnopravnom komisijom Predstavničkog doma organizirala i provela Javnu raspravu o Prijedlogu zakona o primjeni rezultata analize dezoksiribonukleinske kiseline u sudskim postupcima. Dom naroda Parlamentarne skupštine Bosne i Hercegovine je na nastavku 44. sjednice, održanom 19.4.2010., usvojio Prijedlog zakona o primjeni rezultata analize dezoksiribonukleinske kiseline u sudskim postupcima. Danas, Ustavnopravna komisija Doma naroda Parlamentarne skupštine BiH, razmatra Prijedlog zakona o primjeni rezultata analize dezoksiribonukleinske kiseline u sudskim postupcima u osnovnom zakonodavnom postupku - postupku u nadležnoj komisiji nakon prvog čitanja. Amandmane na Prijedlog zakona o primjeni rezultata analize dezoksiribonukleinske kiseline u sudskim postupcima uložili su Hazim Rančić, Slobodan Šaraba i Ivo Miro Jović, delegati Doma naroda Parlamentarne skupštine BiH. Predložio je raspravu.

U raspravi su učestvovali svi prisutni članovi Komisije, kao i Hazim Rančić, predlagač amandmana. Jedan broj prisutnih su bili za usvajanje amandmana koji su isti s amandmanima usvojenim na Predstavničkom domu. Također, razmatrane su mogućnosti prihvatanja amandmana, usvojenih na Predstavničkom domu, s amandmanima koje je uložio Ivo Miro Jović, kao i varijanta da se prihvati i amandman vezan za član 28. Prijedloga zakona. Sve varijante s amandmanima, nakon provedenog glasanja odbijene su.

Nakon rasprave, Komisija, s dva glasa „proti“, dva glasa „za“ i jednim glasom „suzdržan“ :

- nije usvojila niti jedan amandman predlagača;

- Nije prihvatila tekst Prijedloga zakona o primjeni rezultata analize dezoksiribonukleinske kiseline u sudskim postupcima i Izvještaj je dostavila u daljnju proceduru.

Razlozi odbijanja

U skladu s članom 106. Poslovnika Doma naroda Ustavnopravna komisija ističe slijedeće razloge za odbijanje teksta Prijedloga zakona o primjeni rezultata analize dezoksiribonukleinske kiseline u sudskim postupcima i to:

Ustavnopravna komisija je, s dva glasa „protiv“, dva glasa „za“ i jednim glasom „suzdržan“, konstatirala da nije prihvaćen tekst Prijedloga zakona o primjeni rezultata analize dezoksiribonukleinske kiseline u sudskim postupcima **jer nije prihvaćen nijedan amandman**, kojeg su predložili delegati, pa bi, bez amandmana Zakon bio nepotpun.

Završavajući ovu tačku dnevnog reda, konstatirano je da nema drugih prijedloga, pa je Ustavnopravna komisija završila svoju sjednicu u 10,10 sati.

SEKRETAR USTAVNOPRAVNE

KOMISIJE

dr. Zijad Hasić

PREDSJEDAVAJUĆI USTAVNOPRAVNE

KOMISIJE



Ivo Miro Jović